



UNIVERSITÄTS-
BIBLIOTHEK
PADERBORN

**R. P. Vincentii Brvni, Societatis Iesv, Meditationes, De
Præcipvis Mysteriis Vitæ & Passionis D. N. Iesv Christi**

Cum Veteris Testamenti Figuris, & Prophetijs, varijsque Documentis ex
quoque Euangelio depromptis, Nunc ex Italico in Latinum translata

Meditationes in Passionem Et Resvrrrectionem D. N. Iesv Christi

Bruno, Vincenzo

Coloniae Agr., 1599

VD16 ZV 2606

Meditatio 45. De quinto Christi verbo in cruce: Sitio.

[urn:nbn:de:hbz:466:1-59870](https://nbn-resolving.org/urn:nbn:de:hbz:466:1-59870)

356. MEDITATIONES

seruire, scientes eo tempore actiones nostras, et si maiore cum labore & difficultate peragantur, plus mereri, quam si cum dulci animi sensu & consolatione peracta essent.



MEDITATIO

QVADRAGESIMAQVINTA.

DE QVINTO CHRITI
verbo in cruce:

Sitio.

EVANGELIVM.

*Ioan. 19.
Matt. 27.
Marc. 15.*



OSTEA sciens Iesus, quia omnia consummata sunt, vt consummaretur Scriptura dicit: *Sitio.* Vas ergo positum erat aceto plenum. Et continuo currens vnus ex eis, acceptam spongiam impleuit aceto, & imposuit arundini, & obtulit ori eius.

eius vt biberet, dicens: videamus an
veniat Helias liberans eum.

FIGVRA.

SAMSON stratis Philistais, cum Iudic. 15.
siti deficeret, conuertit ad Do-
minum, dicens: Siti morior.

PROPHETIÆ.

IN siti mea potauerunt me aceto. Psal. 68.
Aruit tanquam testa virtus mea, & Psal. 21.
lingua mea adhaesit faucibus meis, & in
puluerem mortis deduxisti me.

CONSIDERATIONES.

NATVRALE est ijs, qui vicini sunt *1. Punctu.*
ad moriendum, vt acri siti laborent,
quanta ergo siti laborauerit morti vici-
nus Iesus benedictus, fons ille exsicca-
tus, per sanguinem effusum, per sparsas
lacrymas, tot fatigatus laboribus, nemi-
nem puto mente posse concipere: quan-
do nec vlla res creata tantos dolores suf-
ferre potuisset. Quam grauiter putamus
illa voce, *Sitio*, vulneratum cor Virginis;
cum dilectum Dei & suum filium, in
tantis angustijs mori videret, cum audi-

✠

ret eum tam miserabili sono petere bibere; ipsi verò in mentem veniret, quanto gaudio & consolatione animi de suo pectore lac præbuerit, cum modo vel gutta aquæ careat, qua sitis ardorem restinguat. Cogita quo dolore se ipsa confecerit, Filium alloquens: O dulcis fructus ventris mei, ô thesaure carissime cordi meo, quomodo te mihi sublatum video, vt te non possim tangere, & videns iam te mori in tantis angustijs, nõ possum quicquam opis afferre, ne aquæ quidem pauxillũ præbere, ad faucium siccitatem irrigandam? Fili mi, bibe me ipsam Matrem tuam liquefactam, & dissolutam dolore tuorum multitudine dolorum: bibe me totam in lacrymas conuersam, vt viua sim in corde tuo, & in me ipsa mortua.

Considera, quàm patienter tulerit Christus extremo illo tempore pauxillum aquæ sibi, ardenti siti leuandæ deesse, & sanè grauis erat molestia, tam necessaria refrigeratione carere; sed grauius multò, quod impij milites huius refrigerij loco, porrigerent id, quod cruciatũ & ludibria auget, vt antea fel, ita nunc acetum. Ah miseram cænam, quam tibi, Domine mi, extremam in cruce pararunt peccata mea? Compatere anima

mea Regi cælorū, qui cū tam largiter prouidisset rebus omnibus, tibi maxime ingratissime, de omnibus ad sustentationē necessarijs: sibi ipsi nihil prouidit, sed in summa egestate mori voluit.

Quomodo tantā sitim fers bone IESV? quis te siccauit, fons aquæ viuæ? An nō tu es ille qui clamabas: *Si quis sitit, veniat ad me & bibat?* Aliorū sitim exstinguis, tu siti moreris? Non tu es ille, q̄ Samaritanæ dicebas, habere te aquā viuā, è qua si quis biberet, nō sitiret in eternū? Sanè Domine mi, sed voluisti boni Pellicani instar, te ipsum exhaustire, vt filijs opē ferres, & tua siti nostrā exstinguere.

Ioan. 7.

Ioan. 4.

Considera præter sitim corporis aliam longè vehementiorem fuisse in animo Saluatoris nostri, ardens videlicet desiderium salutis nostræ. Triginta tribus annis, benignissimus Iesus laborauerat, fugitantes nos insecutus erat; vocans nos, conciones instituerat vt reduceret nos ad viam salutis, & nunc extremo vitæ pænè momento fessus & siti aridus, sitire se clamat. Sitebat vt nos illi auscultaremus, & relictis peccatis ad ipsum conuerteremur: sitebat, vt nos sitiremus virtutes, bona spiritualia, & fontē viuū cælestis gratiæ. Iesu bone, habes spinas, quæ tibi caput transfigant; habes

habes clauos, quibus manus pedesq; lacerentur, non dolet tibi crux, vulnere obluiseris, de sola siti cōquereris. Multo scilicet vehementius cruciabat te sitis redemptionis nostræ, quàm crux, quàm omnia corporis supplicia. Flāma amoris, Domine, intus accenderat viscera tua, & fauces siccauerat. Hæc effecit, ut dum Iudæi cum Ethnicis, tuum sanguinem sitientes, mortem tibi afferunt, tu illorum salutē sitiens tua morte vitam illis largiaris.

Ex hac siti salutis nostræ, oriebatur in Christo tertia quædam sitis pœnarū & tormentorum. Cū enim incredibili arderet desiderio salutis nostræ: (quod excitabatur, tum ipsius erga nos infinito amore, tum gloria, quæ ex salute nostra ad Patrem reditura erat,) videretq; homini per passionem, salutem restitui, per eandem glorificari Patrem: infinita siti ardebat patiendi. Itaq; cū exiguas putaret pœnas adhuc toleratas, *Sitio*, clamabat, quasi diceret: Pater quæ pro salute mundi mihi imperasti, omnia perfecisti, & iam me vita deficit. Optarem, si fieri posset in hac cruce pro tua gloria semper pendere. Exiguus est calix, quem dedisti mihi, si ad sitim meam spectes, omnes aquæ & flumina pœnarum.

num & cruciatuum non possunt eam
 extinguere. Itaque Saluator pœnarum
 auidus & cruciatuum in cruce pendens:
 quemadmodum sponsa (vt est in Can-
 tibus) teneritudinem amoris sui volens
 exprimere dicebat: *Fulcite me floribus, Cant. 2.*
stipate me malis, quia amore langueo. Sic
 ille sponsus, cupiens explicare vehemen-
 tiam amoris sui, erga sp̄sam suam, hu-
 manam naturam, & ardens desiderium
 pro ipsa patiendi, videbatur dicere: *Ful-
 cite me cruce, stipate me spinis & clavis,*
quia amore langueo.

COLLOQVIVM.

ROGABIS Christum D. N. per il-
 lum amorem, quo tui amore gusta-
 re voluit in cruce acerbam illam potio-
 nem, dignetur in cor tuum immittere
 ardentem amoris sui sitim, qua contem-
 nens humanas omnes consolationes, si-
 tias & desideres ipsum solum fontem a-
 quæ viuæ, qui solus possit sitim tuam
 restinguere. Præterea vt gratiam tibi con-
 cedat, qua cupidè accipias & bibas ipsius
 amore calicem tribulationum, & rerum
 in hac vita aduersarum, sic planè, vt quæ
 amara sunt tibi, fiant dulcia; quæ acerbæ,
 suauiæ. Sicut & ipsi dulce & suaue visum
 est, quicquid pro te in cruce perpess⁹ est.

Q 7

DO-

1. **D**EBEMVS & nos sitim Christi sitire, ardentes, zelo animarum & desiderio gloriae Dei.
2. Si Christus cor nostrum sitit, curemus vitium illud, sine alterius perturbationis aut amoris terreni admixtione, ei tradamus, ne à nobis, quemadmodum à Iudais, acetum ei praebeat.
3. Gustandi tantum, id est ferendi sunt mores peruersi & dogmata falsorum Christianorum: non bibendum, id est, imitandum, sicut Christus, cum gustasset acetum, noluit bibere.
4. Acetum dant Christo, qui egentibus pessima largiuntur, aut eos verbis asperunt & inique excipiunt.
5. Mundo vinum bonum, Christo acetum dant, qui ut suas cupiditates satient, & hominum voluntates sibi concilient, aut in honore vel lucro adipiscendo omnes curas cogitationesque consumunt, non temporari, non labori parcentes. At in rebus ad salutem spectantibus tepidi sunt & negligentes, neque quicquam pati, neque sumptus aut damni quicquam ferre sustinent.
6. Bona opera sua Christo in cuspide arundinea offert (ut milites spongiam aceto plenam obtulerunt) qui in ijs hominum gloriam & mundi honores spectat.

7. Si quando contingat nos famem & sitim pati, gaudeamus, quod aliqua se nobis imitandi Christi offerat occasio, qui hac ipsa pro nobis passus est in cruce.



MEDITATIO
QUADRAGESIMA-
SEXTA.

DE SEXTO CHRISTI VER-
bo: Consummatum est.
EVANGELIUM.

CVM ergo accepisset Iesus ace- *Ioan. 19.*
tum, dixit: Consummatum est.

FIGURA.

COMPLEVIT Deus die septi- *Gen. 2.*
mo opus suum, quod fecerat.

PROPHETIÆ.

SEPTVAGINTA Hebdomades ab- *Dan. 9.*
breuiata sunt super populum meum, &
super urbem sanctam tuam, ut consum-
metur prauaricatio.

Con-